

Can Goffadwriaethol

AM Y DIWEDDAR

TANYMARIAN.

(Ed. STEPHEN)

(Allan o'r "Genedl" am Awst 5, 1885.)

Y MAE cysgod tywyll angeu
 Ar ein llwybrau yn mhob lle,
 Teimlir ei ddylanwad pruddaidd,
 Yn y Gogledd fel y De ;
 Dan ei effaith gwywa'r blodau
 A'r rhosynau teg eu gwedd,
 A gyr hefyd feib athrylith
 Ar fyr rybudd i oer fedd.

Wele eto un yn rhagor
 O ddefnyddiol weision Duw,
 Wedi cael ei roi i huno
 Yn y bedd, o dir y byw ;
 "Tanymarian" wedi marw !
 Y brawd anwyl yn y glyn !
 Fe wna meddwl ei fod yno
 Wneyd ein llygaid heddyw'n llyn.

Teimlo'r y'm fel plant amddifaid
 Wedi colli tyner dad ;
 Un fu'n uchel yn yr eglwys,
 Un fu'n anwyl gan ei wlad ;
 Un fu'n ffyddlon fel gweinidog,
 Un ddyrchafai Crist a'i Groes ;
 Un er marw a lefara
 Dros ei Dduw, am lawer oes.

Er nad allai ef ymffrostio
 Mewn uchel-waed cestyll clyd,
 Cysylltiadau henafiaethol
 A fawr berchir gan y byd ;
 Fe dderbyniodd well trysorau
 Mwy parhaol, gan y nef—
 Meddwl bywiog, llawn athrylith,
 Teimlad dwfn, ac awen gref.

“Tanymarian ” oedd prif gerddor
 Cymru dawel, gwlad y gân ;
 Cyfansoddodd dônau swynol,
 Llawn o fywyd, llawn o dân ;
 Handel oedd yn mysge ei frodyr,
 Ac a berchid ar bob awr ;
 Eto teimlai'n ostyngedig
 Fel pe'n amheu'i fod yn fawr.

O ! mor llawn o swyn trydanol
 Fyddai pan y canai'i hun.
 Treiddiai'i lais toddedig grymus
 At deimladau dyfnaf dyn ;
 Wrth ei glywed braidd na thybiem
 Mai rhyw angel cryf oedd ef,
 Gyda'i odlau yn dyrchafu
 Ein heneidiau tua'r nef.

Beirniad craffus, llawn medruswydd,
 Manwl a diwyrni oedd,
 Fel y cyfryw aeth ei enw
 Drwy ein brodir oll ar g'oedd ;
 Fel Astrea dalia'r glorian
 Yn ei law'n ofalus iawn ;
 A gwnai gyda'r cystadleuwyr
 Yn mhob lle gyfiawnder llawn.

Ac ar lwyfan yr Eisteddfod
 O mor hynod fedrus fu !
 Gyda swyn ei wir arabedd
 Fe arweiniai ddirfawr lu ;
 Gwnai ei ffraethder greu dyddordeb
 A thawelau'r chwyddawg dôn ;

Dan ddylanwad ei ffraethineb
Teimlai'r lluwys oll yn llon.

Meddai awen bardd naturiol
Canai fel y Salmydd gynt ;
Hoffai rodio'n mysg y blodau,
Carai glywed cerdd y gwynt ;
Taffa'i enaid bywiog cynhes
I linellau tlws ei gân,
A gwnai swyn ei eiriau yru
Y darlennydd oer ar dân.

Hefyd, megys efenglydd
Safai'n uchel gan ei wlad,
Teimlai'n ddedwydd wrth gyhoeddi
Llawnder trefn maddeuant rhad ;
Carai son am Aberth Iesu,
Teimlai gartref wrth ei Groes—
Wylai'r dorf, ac wylai yntau,
Fel pe'n teimlo'i ing a'i loes.

Nid anghofir byth gan filoedd
O'i gydwladwyr, 'nawr sydd drist,
Y dwfn deimlad a gynyrchai
Pan ddarluniai angeu Crist ;
Syml ac addysgiadol oeddynt
Ei bregethau yn mhob lle,
Ac fe deimlid fod pob brawddeg
Dan eneniad gwllith y ne'.

Ond mae'r cyfaill a fawr garem
'N awr yn farw yn ei fedd ;
Ni chawn yma'i fwyn gymdeithas,
Oedd lawn hoffder a llawn hedd ;
Mae y cerddor medrus, swynol
Wedi cyrhaedd pen ei daith ;
Darfod wnaeth ei "wythnos" yntau,
A rhoes heibio ei hoff waith.

Mwy ni chlywir ei bereidd-lais
Yn gwfreiddio'r dyrfa fawr ;
Mwy ni welir ei fwyn wenau

Oedd i ni fel toriad gwawr ;
 Mwy ni chawn y fRAINT o'i glywed
 Yn gwahodd i'r Ddwyfol wledd ;
 Huno mae yn ddystaw heddyw
 Yn ystafell oer y bedd.

Yn y bedd ! O ! na nid yno
 Y mae'r oll o hono ef,
 Nid oes yma ond y marwol—
 Y mae Stephen yn y nef ;
 Uno wnaeth â chôr y gwynfyd
 A'r folianus dyrfa fawr ;
 Cana heddyw yn felusach
 Nag y canodd ar y llawr.

Boed i'w deulu hoff sy'n wylo,
 A'r eglwysi sydd yn brudd,
 Edrych arno gyda'i Arglwydd
 Heb un deigr yn ar ei rudd ;
 Fe wna hyn eu cynorthwyo
 I foddloni i drefn y nef,
 Nes cael eto adnewyddu
 Y gymdeithas gydag ef.

Bellach, rhaid i mi derfynu
 Fy "ngalargerdd" uwch ei fedd,
 Sychu'm dagrau, ymfoddloni
 I drefn ddoeth y Ddwyfol sedd ;
 Ond an-hawdd yw peidio wylo
 Uwch ben bedd fath gyfaill cun ;
 Ond rhaid gwneyd gan ddweyd fy nheimlad
 Yn ei eiriau ef ei hun :—

"Ni waeth imi heb ffarwelio,
 Deuaf atat yn y man,
 I fwynhau'r orphwysfa hono
 A bwrcaswyd ar ein rhan ;
 Mae fy wythnos inau'n darfod,
 Wythnos dra helbulus yw,
 Fy nos Sadwrn sydd yn dyfod—
 Yna henffych Sabboth Duw."

LEUAN O LEYN.